

A SALA

❖ Paglikay sa Tentasyon

- Si Santiago nagtawag sa tawo nga makasukol sa tentasyon nga “bulahan” (Santiago 1:12 NIV). Apan iyang gipatin-aw nga ang tentasyon dili gikan sa Dios (Santiago 1:13 NIV), kondili nagagikan sa atong kaugalingong daotang mga tinguha (Santiago 1:14 NIV).
- Si Pablo nagsulti bahin sa “manunulay” (1 Tesalonica 3:5), nga giila ni Jesus nga mao si Satanas (Mateo 4:3, 10). Siya ang labing nasayod unsaon paggamit sa atong mga kaluyahon aron madala kita ngadto sa sala. Ayaw nato kalimti nga kita anaa sa dakong gubat tali kang Cristo ug Satanas, ug ang manunulay mohimo sa tanang paagi aron ilayo kita kang Cristo.
- Si Samson usa ka klarong ehemplo sa tawo nga napildi sa tentasyon tungod kay nagpadala siya sa iyang emosyon ug pagbati, bisan nasayod siya nga kini supak sa kabubut-on sa Dios (Mga Maghuhukom 14:1-3; 16:1, 4).
- Unsaon paglikay sa tentasyon? Pinaagi sa pagpangita sa Dios (Mateo 6:33); paggahin ug panahon nga mag-inusara uban Kaniya (Marcos 14:38); ug pagkuha sa taming sa pagtuo (Efeso 6:16)..

❖ Mga Paagi sa Paglikay sa Sala

- Si Jesus mihatag kanato ug klarong mga pagtulon-an aron malikayan ang sala::
 - (1) Likayi ang pagbuhat sa mga butang nga mahimong modala kanimo ngadto sa sala.
 - (2) (Marcos 9:43; Job 23:12). Pananglitan, pagpalit ug makahubog nga ilimnon.
 - (3) Likayi ang pag-adto sa mga lugar diin mahimo kang makasala (Marcos 9:45; Job 23:11). Pananglitan, pag-adto sa night club.
 - (4) Likayi ang pagtan-aw sa mga butang nga mahimong modala kanimo ngadto sa sala (Marcos 9:47; Job 31:1). Pananglitan, pagtan-aw ug mga salida nga adunay malaw-ay nga eksena.

B ANG BALAOD

❖ Ang Balaod ug Sala

- Ang relasyon sa Balaod ug sa sala sayop nga nasabtan sa uban nga nagtuo nga pinaagi sa pagtuman sa Balaod ilang matubos ang ilang mga sala (Galacia 5:4). Kini nga ideya nakaaghat sa uban ngadto sa laing tumoy, nga nagaingon nga ang Balaod giwagtang na.
- Ang problema mao ang paghunahuna nga ang Balaod konektado sa kaluwasan—ingon nga paagi o babag sa pagkab-ot niini. Apan ang katuyoan sa Balaod wala gayud mahimong magluwas. Unsa man diay ang katuyoan niini?
- Ang Balaod nagpadayag kanato unsa ang sala (1 Juan 3:4). Kung wala ang Balaod, dili nato mahibal-an unsa ang sala (Roma 7:7) ug busa dili usab kita mangita ug solusyon (Galacia 3:24).
- Layo sa pagiging palas-anon, ang Balaod usa ka panalipod nga koral aron mapugngan kita sa makalilisang nga resulta sa sala (1 Juan 5:3; Salmo 1:1-3).

C ANG MAAYONG BALITA

❖ Ang Maayong Balita ug ang Balaod

- Ang atong kaluwasan (kapasayloan sa mga sala ug kinabuhing dayon) nadawat pinaagi sa gibuhay ni Jesus alang kanato didto sa krus (Galacia 3:13). Kini nagdasig kanato sa paghigugma kang Jesus (1 Juan 4:9, 19). Ug atong gipakita kini nga gugma pinaagi sa pagtuman sa iyang mga sugo (Juan 14:15).
- Atong tan-awon ang relasyon tali sa Balaod ug sa Maayong Balita (nga mao ang kaluwasan pinaagi sa dugo ni Jesus):
 - (1) Ang Balaod nagpasabot unsa ang sala.
 - (2) Kon kita makasala, kita silotan sa walay katapusang kamatayon.
 - (3) Ang Balaod dili makapasaylo sa sala.
 - (4) Si Jesus nag-antos sa walay katapusang kamatayon aron bayran ang atong mga sala.
 - (5) Kon dawaton nato ang halad ni Jesus, mapasaylo ang atong mga sala.
 - (6) Human mapasaylo, atong tumanon ang Balaod aron dili na kita makasala pag-usab (1 Juan 2:1).
- Wala tuyoa ni Jesus nga wagtangon ang Balaod, kondili pagtumanon ug lig-onon kini (Mateo 5:17). Ang Balaod ug ang Maayong Balita parehong nagpadayag sa kinaiya sa Dios—ang gugma..

❖ Gitukod Ibabaw sa Bato

- Ang pagdawat sa Maayong Balita naglakip ug proseso. Ang unang lakang mao ang kahibalo. Kinahanglan mahibalo kita nga adunay Usa nga makatubos kanato (Roma 10:14).
- Apan ang kahibalo lamang dili makaluwas kanato. Gitandi ni Jesus ang mga tawo nga nakadawat sa kahibalo bahin sa kaluwasan apan wala magkinabuhi sumala sa mga prinsipyo sa Maayong Balita ngadto sa usa ka tawo nga nagtukod sa iyang balay ibabaw sa balas, “ug dako ang pagkapukan niini” (Mateo 7:26-27).
- Ang kahibalo kinahanglan ubanan ug konkreto nga mga buhat (Mateo 7:24-25). Kita gihimong matarung dili pinaagi sa mga buhat sa Balaod (Roma 3:28), apan kinahanglan makita ang maayong mga buhat sa atong kinabuhi isip bunga sa kaluwasan (Mateo 7:18-21).
- Kon dawaton nato si Jesus ug magpabilin sa suod nga relasyon uban Kaniya pinaagi sa pagtuman sa iyang mga sugo, nagatukod kita ibabaw sa Bato..